



Հաստատված է

Պատմության և հասարակագիտության ֆակուլտետի

խորհրդի

\_\_\_ նիստում

“\_\_\_” \_\_\_\_\_ 2021 թ.

\_\_\_\_\_

ՖԱԿՈՒԼՏԵՏԻ ՀԱՇՎԵՏՎՈՒԹՅՈՒՆ

ԵՐԵՎԱՆ 2021

I. ՖԱԿՈՒԼՏԵՏԻ ԱՌԱՔԵԼՈՒԹՅՈՒՆԸ ԵՎ ՆՊԱՏԱԿՆԵՐԸ

Թվարկել և վերլուծել Ֆակուլտետի գործունեությունը հաշվետու ժամանակահատվածում իր առաքելության և ռազմավարական պլանին համապատասխան:

Հաշվետու տարում պատմության և հասարակագիտության ֆակուլտետի գործունեությունն իրականացվել է ֆակուլտետի 2021-2025թթ. զարգացման ռազմավարական ծրագրի գործողությունների կատարման պլանին համապատասխան:

II. ՖԱԿՈՒԼՏԵՏԻ ԿԱՌԱՎԱՐՈՒՄՆ ՈՒ ՎԱՐՉԱՐԱՐՈՒԹՅՈՒՆԸ

Վերլուծել հաշվետու տարում ֆակուլտետի կազմակերպական կառուցվածքի արդյունավետությունը՝ ըստ Պլանավորում, Իրականացում, Գնահատում, Բարելավում շրջափուլի: Խոսել ուսանողների, դասախոսների, գործատուների մասնակցության մասին:

Ֆակուլտետի մեջ ներառված են երեք մասնագիտական ամբիոններ՝ Հայոց պատմության, Համաշխարհային պատմության և նրա դասավանդման մեթոդիկայի, Հասարակագիտության: Ընթացիկ տարում ֆակուլտետում չեն կատարվել կառուցվածքային փոփոխություններ:

Ֆակուլտետի երեք ամբիոններում աշխատում են 35 մասնագետներ, որից համատեղության կարգով՝ 7 դասախոս: Ֆակուլտետի վարչական աշխատանքները համակարգվում են դեկանատի կողմից: Ֆակուլտետն ընդհանուր առմամբ ունի անհրաժեշտ մարդկային և նյութական ռեսուրսները արդյունավետ ուսումնական գործընթաց կազմակերպելու ուղղությամբ:

Հաշվետու տարում ֆակուլտետի կառավարումն իրականացվել է ՀՀ օրենսդրության, Համալսարանի կանոնադրության և ֆակուլտետի կանոնադրության համաձայն:

Հաշվետու տարում ֆակուլտետի խորհրդի աշխատանքային պլանին համաձայն տեղի է ունեցել 9 նիստ, որի ընթացքում քննարկվել են օրակարգային և ընթացիկ հարցեր, կայացվել են համապատասխան որոշումներ /Տե՛ս ֆակուլտետի խորհրդի նիստերի արձանագրություններ/:

Ֆակուլտետի խորհուրդը ընթացիկ տարում կազմված է եղել 27 անդամներից, որտեղ բացի ֆակուլտետի պրոֆեսորադասախոսական կազմի ներկայացուցիչները ընդգրկված են եղել ուսանողներ, որոնք կազմում են խորհրդի անդամների ընդհանուր թվի 25 տոկոսը: Ընթացիկ տարում ֆակուլտետի խորհրդում ընգրկված են եղել ութ ուսանողներ, այդ թվում ֆակուլտետի ուսանողական խորհրդի և ուսանողական գիտական ընկերության նախագահները: Սրանով ֆակուլտետի ուսանողությանը հնարավորություն է ընձեռվել մասնակցելու ֆակուլտետի կառավարման և որոշումների կայացման աշխատանքներին:

Ֆակուլտետի ամբիոնների ներկայացուցիչների համամասնական ներկայացվածությունը ֆակուլտետի խորհրդի աշխատանքներին հնարավորություն է տվել դասախոսական կազմին մասնակցել ֆակուլտետի որոշումների կայացման գործընթացին:

Հաշվետու տարվա ընթացքում կազմակերպվել է նաև ընդլայնված կազմով խորհրդի նիստ, որին մասնակցելու հրավեր են ստացել ֆակուլտետի պրոֆեսորադասախոսական կազմի բոլոր ներկայացուցիչները:

Պարբերաբար կազմակերպվել են նաև դեկանատի նիստեր, որտեղ քննարկվել են ընթացիկ

հարցեր և կայացվել որոշումներ:

Հաշվետու տարում ֆակուլտետում աշխատանքների պլանավորումն իրականացվել է ուսումնական պլանների, ֆակուլտետի խորհրդի աշխատանքային ծրագրի և ֆակուլտետի ռազմավարության հիման վրա նախատեսված առաջնահերթություններով:

Ֆակուլտետի ղեկնաստի և ամբիոնների կողմից կատարվել են ընթացիկ տարվա գործունեության, ուսումնական գործընթացի մշտադիտարկում:

Ամբիոնների վարիչների կողմից նախատեսված ծանրաբեռնվածության համապատասխան իրականացվել են դասալուսմներ: Արձանագրվել են առկա խնդիրը, որոնք քննարկվել են ամբիոնի նիստերում, տրվել են առանձին հանձնարարականներ:

Ամբիոնների կողմից իրականացվել է նաև մշտադիտարկում Google classroom հարթակում՝ համաձայն ռեկտորի համապատասխան հրամանի, որի արդյունքները ներկայացվել են ռեկտորատ:

2021թ. նոյեմբերից ֆակուլտետում փաստաթղթաշրջանառությունը իրականացվում է Mulberry համակարգի միջոցով, որը էականորեն հեշտացրել է աշխատանքների կազմակերպումը և դրանց ընթացքի վերահսկողությունը:

### III. ՖԱԿՈՒԼՏԵՏԻ ՄԱՍՆԱԳԻՏԱԿԱՆ ԿՐԹԱԿԱՆ ԾՐԱԳՐԵՐԸ

Վերլուծել ֆակուլտետում ՄԿԾ-ների բարելավման ուղղությամբ տարված աշխատանքները, նշել ուսումնառության ակնկալվող արդյունքների համահունչ լինելը և համադրելիությունը մասնագիտական որակավորմանը և Որակավորումների ազգային շրջանակին:

Հաշվետու ժամանակաշրջանում կատարվել է կրթական ծրագրերի բարելավման աշխատանքներ: Ֆակուլտետի ամբիոններում քննարկվել և վերլուծվել են ուսումնառության մեթոդները: Ամբիոններին առաջարկվել է քննարկել ու հարկ եղած դեքայում վերանայել մասնագիտական առարկաների ծրագրերը՝ համապատասխանեցնելով կրթական ծրագրի վերջնաարդյունքներին:

Վերլուծել ֆակուլտետում ուսումնառության արդյունքներին համապատասխան ֆակուլտետում/ամբիոններում սահմանված գնահատման մեթոդներն ու չափանիշները, ակադեմիական ազնվություն ապահովող միջոցառումները, գրագողության դեմ իրականացվող պայքարի քայլերի արդյունավետությունը /կատարել համառոտ մեջբերումներ համապատասխան հիմքերից/:

Ֆակուլտետում գործում է ուսանողների գնահատման 100 միավորանոց համակարգը: Ֆակուլտետում և մասնագիտական ամբիոններում վերլուծվել է սահմանված գնահատման մեթոդներն ու չափանիշները, որը կապահովի ակադեմիական ազնվությունը: Ուսանողության շրջանում գրագողության հնարավոր դեպքերի կանխարգելման և ակադեմիական ազնվությունը ապահովելու նպատակով բակալավրիատի և մագիստրատուրայի ավարտական կուրսերի ուսանողներից պահանջվում է ավարտական աշխատանքների և մագիստրոսական ատենախոսությունների էլեկտրոնային տարբերակները: Ստեղծված բազայի միջոցով հնարավորություն է ստեղծվում հնարավորինս կանխել նույնաբովանդակ թեմաների շրջանառությունները ուսանողների շրջանում:

Ֆակուլտետի աշխատանքները ուսանողների և դասավանդողների շարժունությանը, միջազգայնացմանը նպաստելու ուղղությամբ:

Պայմանավորված Կովիդ համավարակով ընթացիկ տարում ուսանողների և դասավանդողների ակադեմիական շարժունակությունը որոշակիորեն նվազել է: Սակայն այնուամենայնիվ որոշակի շարժունակություն իրականացվել է:

Ֆակուլտետի Հայոց պատմության 3 դասախոսներ Էրազմուս պյուս ծրագրի շրջանակներում դասավանդել են Բուդապեշտի Պիտեր Պազմանի կաթոլիկ համալսարանի հայագիտության ամբիոնում: Էրազմուս կրեդիտային շարժունության ծրագրի տրամադրած կրթաթոշակի միջոցներով ֆակուլտետի 1 ուսանող (առկա ուսուցման բակալավրիատի հասարակագիտության բաժնից) մեկ կիսամյակ ուսանել է Մեծ Բրիտանիայի Կիլի համալսարանում, իսկ 4 ուսանող (1-ը առկա ուսուցման բակալավրիատի հասարակագիտության բաժնից և 3-ը առկա ուսուցման բակալավրիատի պատմության բաժնից) քննությունները հանձնել են և հաջորդ կիսամյակ ուսանելու են Կիլի համալսարանում:

#### IV. ՖԱԿՈՒԼՏԵՏԻ ՈՒՍԱՆՈՂՆԵՐԸ

Ֆակուլտետում հաշվետու տարում իրականացված ուսանողների հավաքագրման աշխատանքները, մեխանիզմները:

Ֆակուլտետում ուսանողների թիվը՝ ըստ կրթական ծրագրերի և ուսուցման ձևերի:

Ֆակուլտետում ուսանում է 355 ուսանող, որից պատմության մասնագիտության գծով՝ 253 ուսանող, հասարակագիտության մասնագիտության գծով՝ 83 ուսանող, իրավագիտություն մասնագիտության գծով՝ 18 ուսանող:

Բակալավրի	առկա	157
	հեռակա	119
Մագիստրոսի	առկա	63
	հեռակա	16

Ուսումնառողների շարժը հաշվետու տարվա կտրվածքով

Ուսանողների արտահոսք

Հաստատություն/երկիր		թիվ
1	Մեծ Բրիտանիայի Կիլի համալսարան /1 կիսամյակ փոխանակման շրջանակներում նպատակով/	1

Հեռացումներ և վերականգնումներ		տոկոս	թիվ
1	Դուրս մնացած ուսանողների տոկոսը/ թիվը		17
2	Վերականգնված ուսանողների տոկոսը/ թիվը		22

Վերլուծել ֆակուլտետի ուսանողների հավաքագրման իրականացման մեխանիզմների արդյունավետությունը:

2021 թվականի ընթացքում ֆակուլտետի պրոֆեսորադասախոսական կազմի կողմից կատարվել են ուսանողների հավաքագրման և ֆակուլտետի մասնագիտությունների և կրթական ծրագրերի վերաբերյալ իրազեկման ուղղությամբ հետևյալ աշխատանքները.

1. Կազմակերպվել են նաև իրազեկման այցեր երևանյան և մարզային թվով 9 դպրոցներ:

2. Ֆակուլտետ են այցելել Երևանի և մարզերի թվով 5 դպրոցների աշակերտներ, ովքեր ծանոթացել են մեր համալսարանում ուսման հնարավորությունների, հնարավորություն են ունեցել մասնակցելու դասապրոցեին:
3. Ակտիվացվել են աշխատանքները համալսարանի հենակետային վարժարանի հումանիտար հոսքի աշակերտների հետ, վերջիններիս համար պարբերաբար կազմակերպվել են դասախոսություններ, այց թանգարաններ: Հենակետային վարժարանում իր գործունեությունն է շարունակել նաև Պատանի պատմաբանների ակումբը: Ակումբի գործունեությունը նպաստում է աշակերտների մասնագիտական կողմնորոշման հարցում և կարևոր գործիք է ֆակուլտետի մասնագիտացումների նկատմամբ հետաքրքրության մեծացման ուղղությամբ:
4. Այս ուսումնական տարում Հենակետային վարժարանում բացվել է պատմության հոսք: Ֆակուլտետի կողմից ակտիվ աշխատանքներ են տարվում այդ հուսքում ընդունված աշակերտների մասնագիտական կողմնորոշման ուղղությամբ:

Վերհանել հեռացումների և վերականգնումների պատճառները:

Ֆակուլտետից ուսանողները հեռացվել են երկու պատճառով.

1. Ուսման վարձը չվճարելու
2. Անբավարար առաջադիմության
3. Սեփական դիմումի համաձայն
4. Որոշ ուսանողներ էլ ֆակուլտետից ազատվել են բանակ զորակոչվելու պատճառով

Հաշտու տարում ֆակուլտետի ուսանողների ներգրավվածությունը մասնագիտական գիտահետազոտական աշխատանքներում:

Ֆակուլտետի գերակա գիտահետազոտական աշխատանքներում ներգրավված ուսանողների թիվը:

Բակալավր	
Մագիստրոս	
Ընդհանուր	

Ուսումնառողների մասնակցությամբ իրականացվող ծրագրերի ցանկը և դրանցում ներգրավված ուսանողների թիվը

	Գիտահետազոտական ծրագիր	ուսանողների թիվ
1	«Միսիոներական քարոզչությունը եվ հայ կաթոլիկ ու բողոքական հարանվանությունների գործունեությունն Արեւմտյան Հայաստանում եվ Կիլիկիայում 1896-1921թթ» գիտական ծրագրի ղեկավար՝ ավետիս հարությունյան	
2	«Մեծի Տանն Կիլիկիո կաթողիկոսությունը և նրա հայապահպան գործունեությունը 1914-1939թթ.» գիտական ծրագրի ղեկավար՝ ավետիս հարությունյան	
3	«Հայաստանը Անդրկովկասում եվրոպական երկրների ռազմաքաղաքական ներկայացուցչությունների հետ փոխհարաբերությունների համատեքստում (1917-1920 թթ.)» ղեկավար՝ Վանիկ Վիրաբյան	
4	«Հայաստանը 1920-1991թթ.» գիտական բազային թեմա	1

Ուսումնառողների հեղինակությամբ և/կամ համահեղինակությամբ տպագրված աշխատանքների թիվը		
	Տպագրված աշխատանք	ուսանողների թիվ
1	Պողոսյան Ս., Ղուկասյան Հ., 1917 թվականի ռուսական հեղափոխությունները և հայկական հարցը, Լրատու, 2021, թիվ 1:	1
2	Պողոսյան Ս., Հախնազարյան Մ., Հայաստանի դեմ 1920 թ. պատերազմի նախապատրաստումը քեմալականների կողմից, Լրատու, 2021, թիվ 2:	1
3		
4		

**V. ՖԱԿՈՒԼՏԵՏԻ ՊՐՈՖԵՍՈՐԱԴԱՍԱԽՈՍԱԿԱՆ ԿԱԶՄԸ**

Վերլուծել ֆակուլտետի պրոֆեսորադասախոսական կազմի աշխատանքի արդյունավետությունը հաշվետու տարում և մասնագիտական որակների համապատասխանությունը ֆակուլտետի մասնագիտական կրթական ծրագրերի նպատակներին:
<p>Ֆակուլտետը համալրված է անհարժեշտ մասնագիտական որակներ ունեցող պրոֆեսորադասախոսական կազմով, ովքեր ապահովում են կրթական ծրագրերով նախատեսված նպատակների իրականացմանն ու կրթական վերջնաարդյունքների ձևավորմանը:</p> <p>Ֆակուլտետի երեք ամբիոններում աշխատում են 35 մասնագետներ, որից համատեղության կարգով՝ 7 դասախոս:</p> <p>Ըստ ամբիոնների.</p> <p><b>Հայոց պատմության ամբիոն</b></p> <p><i>Աշխատում է 14 դասախոս, որից 2-ը համատեղող</i></p> <p>ՀՀ ԳԱԱ ակադեմիկոս -1</p> <p>պրոֆեսոր – 6</p> <p>դոկտոր-4</p> <p>գիտությունների թեկնածու-8</p> <p>դոցենտ – 7</p> <p><b>Համաշխարհային պատմության և նրա դասավանդման մեթոդիկայի ամբիոն</b></p> <p><i>Աշխատում է 12 դասախոս, որից 4-ը համատեղող</i></p> <p>ՀՀ ԳԱԱ ակադեմիկոս- 1</p> <p>պրոֆեսոր- 3</p> <p>դոկտոր-4</p>

գիտությունների թեկնածու-8

դոցենտ- 8

**Հասարակագիտության ամբիոն**

*Աշխատում է 11 դասախոս, որից 1-ը համատեղող*

Պրոֆեսոր – 3

դոկտոր-3

գիտությունների թեկնածու – 6

դոցենտ – 6

դասախոս – 2

**VI. ՀԵՏԱԶՈՏՈՒԹՅՈՒՆԸ ԵՎ ԳԻՏՈՒԹՅԱՆ ԶԱՐԳԱՅՈՒՄԸ ՖԱԿՈՒԼՏԵՏՈՒՄ**

Ֆակուլտետը հաշվետու տարում իրականացրել է հետազոտական ոլորտում իր հետաքրքրությունները և հավակնություններն արտահայտող ռազմավարություն:

Վերլուծել հաշվետու տարում ֆակուլտետում հետազոտական ոլորտում հետաքրքրությունների և հավակնությունների ռազմավարության արդյունավետությունը և արդիականությունը /կատարել համառոտ մեջբերումներ համապատասխան հիմքերից/:

Ֆակուլտետի պրոֆեսորադասախոսական կազմը ակտիվորեն մասնակցել է տարբեր գիտահետազոտական ծրագրերի, կոնֆերանսների, հրատարակել են հոդվածներ: 2021 թ. ֆակուլտետի երկու գիտական խումբ հաղթել է ԳՊԿ գիտական թեմատիկ խմբերի մրցույթում:

Գիտական թեմատիկ խմբերում ընդգրկված են ֆակուլտետի 10 դասախոսներ:

Ֆակուլտետի դասախոսների հետազոտությունների արդյունքում հրատարակվել են՝

30 գիտական հոդվածներ,

6 գիրք և մենագրություն,

1 մեթոդական ձեռնարկ

դասախոսները մասնակցել են 5 միջազգային, 8 Հայաստանյան գիտաժողովների:

Ֆակուլտետի գործունեությունը հետազոտական գործունեության միջազգայնացման ուղղությամբ:

ԱՊՀ երկրներում գրախոսվող մասնագիտական ամսագրերում հրատարակումների թիվ

	Ամսագիրը (երկիրը)	Վարկանիշը	Հրատարակումների թիվ
1	“XIV Конгресс антропологов и этнологов России”, сборник материалов/		1

	Москва-Томск		
2	Сборник материалов Международного научно- практического Зорума (г. Пятигорск, 8 октября 2021 г.), Ставрополь, издательство СКФУ		1
3			
4			
5			
<b>Օտարերկրյա միջազգային գրախոսվող մասնագիտական ամսագրերում հրապարակումների ցանկը</b>			
	<b>Ամսագիրը (երկիրը)</b>	<b>Վարկանիշը</b>	<b>Հրապարակումների թիվ</b>
1	Հայկազեան հայագիտական հանդես/ Բեյրութ, Լիբանան		1
2	“12th International Congress on the Archaeology of the Ancient Near East (12th ICAANE)” / Bologna, Italy		1
3	“Identity, Diversity & Contact: From the Southern Balkans to Xinjiang, from the Upper Palaeolithic to Alexander”, in: ICE I, International Congress “The East”/ Turnhout, Belgium		1
4			
5			
<b>ՀՀ-ում գրախոսվող մասնագիտական ամսագրերում հրապարակումների ցանկը</b>			
	<b>Ամսագիրը</b>	<b>Վարկանիշը</b>	<b>Հրապարակումների թիվ</b>
1	Լրատու		5
2	ՎԷՄ		4
3	Էջմիածին		1
4	Լրաբեր Հասարակական Գիտությունների		2
5	Բանբեր Մատենադարանի		1
6	Fundamental Armenology (Electronical Journal)		3
7	«Պատմա- բանասիրական հանդես»		1
8	Wisdom		1

9	«Հայաստանը 1945-1965թթ.» (գիտաժողովի գեկուցումների ժողովածու)	2
10	«Փիլիսոփայությունը արդի աշխարհում»	1
Վերլուծել ֆակուլտետի հետազոտական գործունեության միջազգայնացման աշխատանքները հաշվետու տարում:		
Ֆակուլտետի աշխատանքները հետազոտական գործունեության և ուսումնական գործընթացի փոխկապակցման ուղղությամբ:		
Հետազոտական գործունեության և ուսումնական գործընթացի փոխկապակցվածության վերլուծություն: Հետազոտական գործունեությունը և ուսումնական գործընթացի փոխկապակցումն արտահայտող հիմքեր (գիտական աշխատանքներ ուսանողների մասնակցությամբ, հետազոտությունների շնորհիվ վերանայված ծրագրեր, այլ աշխատանքներ):		

VII. ՖԱԿՈՒԼՏԵՏԻ ԵՆԹԱԿԱՌՈՒՑՎԱԾՔԸ ԵՎ ՌԵՍՈՒՐՍՆԵՐԸ

Վերլուծել առկա մասնագիտությունների կրթական ծրագրերի իրականացման համար անհրաժեշտ ուսումնական միջավայրի՝ լսարանների, լաբորատորիաների, ուսումնական կաբինետների, արվեստանոցների, արհեստանոցների արդյունավետությունը՝ նշելով շահակիցների բավարարվածության աստիճանը:
2021 թվականին կարիքների վերհանման արդյունքում ֆակուլտետում ապահովվել է ուսումնական գործընթացի տեխնիկական ապահովում:
Ներկայում ֆակուլտետում գոյություն ունեն տեխնիկապես վերազինված 12 լսարաններ, որոնք հազեցված են ինտերակտիվ ուսուցում ապահովելու համար անհարժեշտ տեխնիկայով /հեռուստացույցներ, պրոյեկտորներ, համապատասխան համակարգիչներ/ և լիովին համապատասխանում են ֆակուլտետի առկա կարիքների բավարարմանը:
Խնդիրների վերհանման արդյունքում հաշվետու տարվա ընթացքում համալսարանի համակարգչային մասնագետների կողմից տեխնիկական և ծրագրային հետազոտման են ենթարկվել ֆակուլտետում առկա ողջ համակարգչային տեխնիկան, որն օգտագործվում է դասապրոցեսի ժամանակ: Այս ամենի արդյունքում նոր հակավիրուսային ծրագրերով են վերազինվել ֆակուլտետում առկա համակարգիչները, վերացվել են նաև տեխնիկական մի շարք խնդիրներ:
Ֆակուլտետը հազեցված է որակյալ ինտերնետային կապով: Ֆակուլտետում գործում է համալսարանի գրադարանի ընթերցասրահներից մեկը, որը հազեցած է համակարգիչներով և մասնագիտական գրականությամբ:
Ներկա դրությամբ ֆակուլտետի տեխնիկական հազեցվածությունը բավարարում է ֆակուլտետի շահակիցների՝ պրոֆեսորադասախոսական կազմ, վարչական ապարատ և ուսանողներ,

կարիքները:

VIII. ՖԱԿՈՒԼՏԵՏԻ ՀԱՍԱՐԱԿԱԿԱՆ ՊԱՏԱՄԽԱՆԱՏՎՈՒԹՅՈՒՆԸ

Հաշվետու տարում ֆակուլտետի հաշվետվողականության գործընթացների թափանցիկությունը և հասանելիությունը հասարակությանը, հասարակության հետ կապերի ձևավորմանը նպաստող հետադարձ կապի մեխանիզմներ:

Ֆակուլտետի գործունեության հիմնական ընթացքը լուսաբանվել է համալսարանի կայքէջի համապատասխան բաժիններում: Ֆակուլտետի ուսանողները և շահագրգիռ շրջանակները առցանց , բանավոր և տարբեր հայտարարությունների միջոցով պարբերաբար տեղեկացվել են ուսումնական գործընթացի, ֆակուլտետի գործունեության մասին: Հաշվետու տարվա ընթացքում Հաջողության բանաձև հաղորդման շրջանակներում պատրաստվել է մեկ հաղորդում՝ նվիրված ֆակուլտետում առկա մասնագիտություններին: Ֆակուլտետի գործունեությունը ներկայացվել են նաև հեռուստատեսային և ռադիո տարբեր այլ հաղորդումներում:

Ֆակուլտետի գործունեությունը և շփումը շահագրգիռ շրջանակների հետ ապահովվել է նաև ֆակուլտետի և ուսանողական խորհրդի ֆեյսբուքյան էջերի միջոցով:

IX. ԱՐՏԱՔԻՆ ԿԱՊԵՐԸ ԵՎ ՄԻՋԱԶԳԱՅՆԱՅՈՒՄԸ ՖԱԿՈՒԼՏԵՏՈՒՄ

Ֆակուլտետի համագործակցությունը տեղական և միջազգային հաստատությունների և կառույցների հետ հաշվետու տարում:

Ներկայացնել արտաքին կապերի և միջազգայնացման գործընթացներում ֆակուլտետի միջոցառումները և հիմնական ձեռքբերումները: Վերլուծել համագործակցության արդյունավետությունը:

2021 թվականի ֆակուլտետում իրականացվել են մի շարք աշխատանքներ միջազգայնացման և արտասահմանայան գիտակրթական հաստատությունների հետ հետագա համագործակցության ընդլայնման ուղղությամբ:

Հաշվետու տարվա ընթացքում ֆակուլտետի կողմից աշխատանքներ են տարվել նաև եվրոպական մի շարք այլ համալսարանների հետ կապեր հաստատելու և հետագա համագործակցության հնարավորությունները դիտարկելու ուղղությամբ: Մասնավորապես նշված ուղղությամբ նախնական աշխատանքներ են իրականացվում Ռուսիայի Կլուժի համալսարանի, Վարշավայի համալսարանի, Իսպանիայի Կորոլայի համալսարանի, ԱՄՆ Կալիֆոռնիայի համալսարանի հայագիտության ամբիոնի:

Խորացվել են հարաբերությունները Բուդապեշտ Պիտեր պազմանի կաթոլիկ համալսարանի, մեծ Բրիտանիայի Կիլի համալսարանի հետ:

Նոր հարաբերություններ են հաստատվել և համագործակցության վերաբերյալ հուշագրեր են ստորագրվել Բելրուֆի Հայկազյան համալսարանի, ՌԴ Ուրալի դաշնային համալսարանի հետ:

Ֆակուլտետի խորհրդի որոշմամբ պատմության մասնագիտության առկա մագիստրական կրթական ծարգիրը պատրաստվել են անգլերեն լեզվով դասավանդելու համար:

Անգլերեն լեզվով դասավանդելու կարողություններ ունեցող դասախոսներն են՝ ըստ ամբիոնների.

**Հայոց պատմության ամբիոն**

	<b>Դասախոսներ</b>	<b>Դասընթացներ</b>
1	<b>Աշոտ Փիլիպոսյան</b> ( պ.գ.դ., պրոֆեսոր)	<i>Հնագիտություն</i>
2	<b>Էդգար Հովհաննիսյան</b> (պ.գ.թ., դոցենտ)	1. <i>Հայկական հոգևոր-կրոնական կազմակերպությունները</i>  2. <i>Հայկական Միյունք: կազմավորումը, կառուցվածքն ու արդի հիմնախնդիրները</i>
3	<b>Սամվել Պողոսյան</b> (պ.գ.դ., պրոֆ.)	1. <i>Հայոց Ցեղասպանություն: Պատճառները, ընթացքը և հետևանքները</i>  2. <i>Հայկական հարց և միջազգային դիվանագիտություն</i>
4	<b>Խաչատուր Ստեփանյան</b> ( պ.գ.դ., պրոֆեսոր )	1. <i>Կովկասի և Հայաստանի խորհրդայնացումը</i>  2. <i>Հայկական ազգային ազատագրական շարժումը 19-րդ դարի վերջին-20-րդ դարի սկզբին</i>
5	<b>Սուսաննա Խաչատրյան</b> ( պ.գ.թ., դոցենտ)	<i>Հայկական մշակույթ և արվեստ</i>

*Համաշխարհային պատմության և նրա դասավանդման մեթոդիկայի ամբիոն*

<i>Դասախոս</i>	<i>Գիտ. աստիճան</i>	<i>Թեմա</i>
<p><i>1. Ռուբեն Սաֆրաստյան</i></p>	<p><i>պ.գ.դ., պրոֆ., ՀՀ ԳԱԱ ակադեմիկոս</i></p>	<p><i>1. Թուրքիայի պետության կազմավորման մեխանիզմները</i></p> <p><i>2. Ցեղասպանությունները և արդի միջազգային կազմակերպությունները</i></p>
<p><i>2. Արամ Քոսյան</i></p>	<p><i>պ.գ.դ., պրոֆ.</i></p>	<p><i>1. Հայկական քաղաքակրթությունը</i></p> <p><i>2. Հին աշխարհի և միջին դարերի պատմության հիմնախնդիրներ</i></p> <p><i>3. Շրջակա միջավայրը և քաղաքակրթական գործընթացները</i></p>
<p><i>3. Երվանդ Գրեկյան</i></p>	<p><i>պ.գ.դ., դոցենտ</i></p>	<p><i>Հայկական լեռնաշխարհի պատմությունը և մշակույթը Հին Մերձավոր արևելքի համատեքստում</i></p>
<p><i>4. Միքայել Բաղայան</i></p>	<p><i>պ.գ.թ.</i></p>	<p><i>1. Հայաստանի հնագիտություն</i></p> <p><i>2. Պաշտամունքը և հավատը նախաքրիստոնեական Հայաստանում</i></p> <p><i>3. Հին Մերձավոր Արևելքի հնագիտությունը</i></p>

**Իրավագիտության և նրա դասավանդման մեթոդիկայի ամբիոն**

	<i>Անուն, ազգանուն</i>		<i>Դասընթաց</i>
1.	<i>Մանուկյան Մահակ</i>	<i>Ռ.գ.թ., դոցենտ</i>	<i>1. Վարչական իրավունք Հանրային ծառայությունների իրավական կարգավորումը</i>
2.	<i>Փիլիպյան Ալինա</i>	<i>Ռ.գ.թ., դոցենտ</i>	<i>1. Պետության և իրավունքի տեսություն Սահմանադրական իրավունք</i>

Վերլուծել հաշվետու տարում ֆակուլտետի արտաքին կապերին և միջազգայնացմանը նպաստող աշխատանքները, ֆակուլտետի տարեկան գործողությունների ծրագիրը, դրանց արդյունավետությունը: Հիմնավորել մոտեցումները /կատարել համառոտ մեջբերումներ համապատասխան հիմքերից/:

Ֆակուլտետի համագործակցությունը տեղական և միջազգային հաստատությունների և կառույցների հետ հաշվետու տարում:

Հաշվետու տարվա ընթացքում ֆակուլտետի միջազգայնացման և համագործակցության ընդլայնման ուղղությամբ իրականացվել են հետևյալ միջոցառումները.

- Ապրիլին Հունգարիայի փոխվարչապետ Ժոլտ Շեյնեն, կառավարության արարողակարգի պետը Սանդոր Ույվարին, Հալաձված քրիստոնյաների հունգարական աջակցության ծրագրի պետական քարտուղար Տրիստան Ագբեյը, Եկեղեցու և կրոնական դիվանագիտության հարցերով ավագ խորհրդական Բերտալան Քիշը, Պիտեր Պազմանի կաթոլիկ համալսարանի հայագիտության ամբիոնի վարիչ Բալինտ Կովաչը և պատմության ինստիտուտի տնօրեն Սանդոր Ուզեն այցով գտնվել են մանկավարժական համալսարանում, պայմանավորվածություն է ձևափոխվել Բուդապեշտի Պիտեր Պազմանի կաթոլիկ համալսարանի Հայագիտության ամբիոնի մագիստրատուրայում սովորելու համար հունգարական կառավարությունը հայ ուսանողներին կտրամադրի շուրջ 20 պետական կրթաթոշակ: Այդ կրթաթոշակի շրջանակներում այս տարի պատմության և հասարակագիտության ֆակուլտետի երկու շրջանավարտներ ուսում շարունակում են Բուդապեշտում:
- Սեպտեմբերի 27-հոկտեմբերի 2-ը պաշտոնական այցով ՀՊՄՀ-ում էր Ուրալի դաշնային

համալսարանի պատվիրակությունը: Մեպտեմբերի 29-ին Ուրալի համալսարանի Նոր և նորագույն պատմության ամբիոնի դոցենտ, պ.գ.թ. Յուլիյա Ջապարիյը հանդես է եկել «Մեծ եռյակը և մեծ հույսերը. ՄԱԿ-ի ստեղծման պատմությունը» թեմայով դասախոսությամբ: Հոկտեմբերի 1-ին նույն համալսարանի Ռուսաստանի պատմության ամբիոնի պրոֆեսոր Վլադիմիր Ջապարիյը հանդես է եկել «Ռուսաստանի արդյունաբերական ժառանգությունը Ուրալում» թեմայով դասախոսությամբ:

- Խ. Աբովյանի անվան ՀՊՄՀ պատմության և հասարակագիտության ֆակուլտետում կազմակերպվել են հանրային դասախոսություններ արտասահմանյան հանրահռչակ պրոֆեսորների մատուցմամբ.
- Հոկտեմբերի 18-ին Կալիֆորնիայի համալսարանի (UCLA) պրոֆեսոր Ռիչարդ Հովհաննիսյանը ներկայացրել է «Մտորումներ Հայաստանի Առաջին Հանրապետության մասին» դասախոսությունը:
- Հոկտեմբերի 18-ին ԱՄՆ Կոնգրեսի գրադարանի հայկական բաժնի վարիչ, Կոլումբիայի համալսարանի Մերձավոր Արևելքի, Հարավային Ասիայի և Աֆրիկայի հետազոտությունների բաժնի դասախոս, պրոֆեսոր Խաչիկ Մուրադյանը հանդես է եկել «Վերապրելու պայքարը Մեծ եղեռնի համակենտրոնացման ճամփաներում» դասախոսությամբ:
- Հոկտեմբերի 21-ին Վաշինգտոնի Վիլսոնի կենտրոնի հանրային քաղաքականության փորձագետ, պրոֆեսոր Էմի Աուստին Հոլմսը հանդես է եկել «Թուրք-քրդական հակամարտության փոխակերպումը 2015 թվականից սկսած և դրա ազդեցությունը Հյուսիսային Սիրիայի հայերի և ասորիների վրա» դասախոսությամբ:
- Հոկտեմբերի 25-ին Պիտեր Պազմանի կաթոլիկ համալսարանի դասախոսներ Բալինտ Կովաչը, Անդրաշ Բոչկոն դասախոսություններով հանդես են եկել ֆակուլտետում:
- Նոյեմբերի 18-ին առցանց հանդիպում է կազմակերպվել Եկատերինբուրգի դաշնային համալսարանի մասնագետների հետ: Որոշվել է ապրիլին կազմակերպել համատեղ գիտական սեմինար: Համաձայնություն է ձեռք բերվել Questio Rossica հանդեսի 2022 թ. համարներից մեկը նվիրել Ռուսաստան-Արևելք հարաբերություններին և մեր ֆակուլտետից մի քանի հոդված տպագրել:
- Դեկտեմբերի 6-10-ը Է. Հովհաննիսյանը, Խ. Ստեփանյանը, Ս. Պողոսյանը Բուդապեշտի Պիտեր Պազմանի կաթոլիկ համալսարանում դասախոսություններով հանդես են եկել որպես հրավիրյալ դասախոսներ:
- Ֆակուլտետը հայաստանյան չորս համալսարանների և Սլովակիայի Արիբորի

համալսարանի հետ մասնակցում է PROMOEU ծրագրին:

- Խաչատուր Ստեփանյանը սեպտեմբերի 2-3-ին Վարշավայում մասնակցել է Լեհաստանի գիտությունների ակադեմիայի կազմակերպած “Immigrants from the Caucasus in Europe. Between a Vision of Freedom and Alienation” խորագրով գիտաժողովին:
- Հոկտեմբերի 8-ին Խաչատուր Ստեփանյանը մասնակցել է ՌԴ Պյատիգորսկ քաղաքում Հյուսիսկովկասյան դաշնային համալսարանի կազմակերպած “Единство и братство народов кавказа – решающий фактор победы в битве за Кавказ” (к 80-летию начала Великой Отечественной войны 1941-1945 годов) խորագրով գիտական ֆորումին:
- Հոկտեմբերի 29-ին Խաչատուր Ստեփանյանը մասնակցել է ՌԴ Եկատերինբուրգ քաղաքում Ուրալի դաշնային համալսարանի կազմակերպած “People of the Cold War World: Refugees, Émigrés, and Displaced Persons” միջազգային գիտաժողովին:
- Նոյեմբերի 26-ին ֆակուլտետի նախաձեռնությամբ «Լիբանանահայերը և իրենց միջավայրը» թեմայով դասախոսությամբ հանդես է եկել Բեյրութի Հայկազյան հայագիտական համալսարանի պրոֆեսոր Անդրանիկ Դաքեսայանը:
- Նոյեմբերի 26-ին ֆակուլտետի նախաձեռնությամբ ՀՊՄՀ-ի և Բեյրութի Հայկազյան հայագիտական համալսարանի միջև ստորագրվել է համագործակցության հուշագիր:
- Ստեփանյան Խաչատուրը դասախոսություններով հանդես է եկել Եկատերինբուրգի համալսարանում (հոկտեմբերի 28), Լիբանանի Հայկազյան համալսարանում (նոյեմբերի 12), Ժիտոմիրի մանկավարժական համալսարանում (դեկտեմբերի 1):
- Խաչատուր Ստեփանյանը Կիևի Դրագոմանի անվան մանկավարժական համալսարանի “Կլիո աշխարհ” պատմագիտական հանդեսի խմբագրական խորհրդի անդամ է:
- Մարգարյան Գոռը միջազգային գիտաժողովների է մասնակցել Թիֆլիսում և Վարշավայում:
- Աշխատանքներ են իրականացվում հարաբերություններ հաստատելու Կարլի (Չեխիա) համալսարանի հայագիտության ամբիոնի հետ և Հունաստանի Ազգային համալսարանի Թուրքագիտության ֆակուլտետի հետ: Այդ ուղղությամբ կան արդեն նախնական պայմանավորվածություններ:
- 2022 թ. աշնանը նախատեսվում է համատեղ միջազգային գիտաժողով Կորունայի համալսարանի հետ, որի արդյունքները տպագրվելու են Եվրոպական ուսումնասիրությունների հանդեսում:
- 2022 թ. աշնանը նախատեսվում է համատեղ միջազգային գիտաժողով Ցեղասպանության թանգարան-ինստիտուտի հետ՝ նվիրված Զմյուռնիայի կոտորածի 100-ամյակին:

--

X. ՖԱԿՈՒԼՏԵՏԻ ՈՐԱԿԻ ՆԵՐՔԻՆ ԱՊԱՀՈՎՄԱՆ ՀԱՄԱԿԱՐԳԸ

Ներկայացնել և վերլուծել ֆակուլտետի որակի ապահովման ներքին համակարգի արդյունավետությունը:

Ֆակուլտետի որակի ապահովումն իրականացվել է ղեկանատի և ամբիոնների կողմից:

Հաշվետու տարվա ընթացքում նախապես հաստատված գրաֆիկի համաձայն կազմակերպվել են դասալսումներ, որի ընթացքում վեր են հանվել մի շարք խնդիրներ դասավանդման որակի, մեթոդիկայի, առարկայական նկարագրերի և դասավանդվող նյութի համապատասխանելիության վերաբերյալ: Հաշվետու տարում թարմացվել են ֆակուլտետում դասավանդվող առարկայական նկարագրերն ու տրիումները՝ դրանք համապատասխանեցնելով նոր ուսումնական պլաններին և Բյում տաքսոնոմիայի սկզբունքներին:

Դասալսումների արդյունքների հիման վրա կազմակերպվել են քննարկումներ, որին մասնակցել են նաև պրոֆեսորադասախոսական կազմի ներկայացուցիչները, տրվել են հանձնարարականներ որակի հետագա բարելավման ուղղությամբ:

Ֆակուլտետի ներքին որակի ապահովման ուղղությամբ ֆակուլտետը մշտապես համագործակցել է համալսարանի Կրթության որակի ապահովման և կառավարման բաժնի հետ:

Որակի ապահովման ուղղությամբ ամբիոնների կողմից հաշվետու տարվա ընթացքում կազմակերպվել է մշտադիտարկում Այդ ուղղությամբ ֆակուլտետում որակի ապահովման հարցում կարևոր դերակատարում ունի googleclassroom հարթակը:

Ֆակուլտետի որակի հետ կապված խնդիրները պարբերաբար քննարկվել է ֆակուլտետի խորհրդի նիստերի ընթացքում:

Ներկայացնել որակի ներքին ապահովման գործընթացներում ներքին և արտաքին շահակիցների ներգրավվածության աստիճանը:

Ֆակուլտետի որակի ապահովման աշխատանքներում ընդգրկված են եղել համալսարանի համապատասխան ստորաբաժանումները, մասնավորապես Կրթության որակի ապահովման և կառավարման բաժինը: